



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 58. Epistolæ Vigilii.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. tus, in Insulam Palmariam delatus est,  
A.C. 538. ubi custoditus, & vigesima Julii, 538.  
 inedia extinctus est, postquam Sacram Se-  
 dem duobus annis tenuisset.

*Liber. Vist.*  
*Tun. Chr.*

Tum Vigilus, ut, quod promiserat Imperatrici, efficeret, Antoninæ tradidit Epistolam ad Theodosium Alexandrinum, Anthimum Constantinopolitanum depositum & Severum Antiochenum datam, in qua profitetur, se eandem ac ipsos Fidem tenere, sed rogat ut hanc Epistolam secretam habeant, imo se ipsis suspectum esse fingant. Cum hac Epistola misit Fidei suæ Confessionem, in qua duas in Jesu Christo Naturas & S. Leonis Epistolam rejiciebat, Anathema dicens illis, qui unam Personam & unam Essentiam non confiterentur. Nominatim Paulum Samosatenum, Diodorum Tarfensem, Theodorum Mopsuestenum & Theodoretum anathematizat. Cum Hæreticis secreto scripisset, Possessionem S. Sedis retinuit.

§. LVIII.

*Epistolæ Vigilii.*

*Ep. 4. p. 315.* Publice Vigilus nunquam non Fidem Catholicam professus, id ipsum datis ad Imperatorem Justinianum litteris authentice comprobavit. Imperator offensus quod Vigilus, Pontificatum aspiciatus, pro more sibi non scripisset, nec Mennæ Patriarchæ Epistolæ, quæ Fi-  
 dei

dei ipsius professionem continebat, re-  
 spondisset, Fidem ejus suspectam habere  
 cœpit. Forte nec illud, quod secreto  
 ad Schismaticos scripserat, Justinianum  
 latuit. Igitur Dominicum Patricium  
 Romam mittit cum Epistolis, quibus con-  
 ceptam de Papa suspensionem, & quam  
 arcte vera Fides sibi cordi sit, aperit. Vi-  
 gilius Papa datis Responsorii Imperato-  
 ris Fidem prolixè laudat, & affirmat, non  
 aliam se Fidem tenere, quam Anteces-  
 sores sui Cœlestinus, Leo, Hormisdas,  
 Joannes & Agapitus. Se quatuor Con-  
 cilia & S. Leonis Epistolam recipere, at-  
 que omnibus illis, qui contrarium cre-  
 dunt, anathema dicere, nominatim Se-  
 vero, Petro Apamiensi, Anthimo, Zoaræ  
 & Theodosio Alexandrino. Cum vero  
 hos viros jam satis damnatos sciret, non  
 credidisse, opus esse, ut Mennæ hos ite-  
 rum damnanti responderet. Tandem  
 Imperatorem rogat, ut S. Sedis Præro-  
 gativas tueatur, & non alios quam Viros  
 Catholicos & omni exceptione majores  
 ad se Romam mittat. Omnibus satis  
 perspicuum est, hanc Epistolam nihil esse  
 aliud, quam propriam Vigili Papæ Apo-  
 logiam, ut conceptam de se suspensionem  
 ab Imperatore removeret.

Sæculum VI.  
 A. C. 538.

Eodem tempore ad Mennam Patriar-  
 cham dedit Epistolam, in qua eundem  
 laudat, quod promisso Agapito Papæ  
 dato in sua Ordinatione steterit quatuor

Ep. 5.

Sæculum VI. Concilia receperit, & Schismaticos anathematizaverit. Ad calcem istarum duarum Epistolarum præter manum Vigilii Papæ etiam signum Dominici Patricii appositum decimo quinto Cal. Octobr. Justiniano Consule id est 17. Sept. 540. visebatur.

*Vig. ep. p.  
311. Baluz.  
nova Coll.  
p. 1472.*

Interim Vigilius post suam Ordinationem Legitimus Papa habebatur; id enim apparet ex consultatione Profuturi Episcopi Bragensis in Lusitania, cui Vigilius 29. Junii Joanne Consule id est 538. rescripsit. (\*) Initio differit de Priscillianistis, qui a carnibus superstitione abstinebant, & concludit in hæc verba: *Abstinentiam, virtutem Deo acceptam, non vituperamus; illos vero damnamus, qui Dei Creaturas detestantur.* Agit etiam de modo reconciliandi Arianos; nempe quia Gothi Hispaniæ dominabantur, quorum aliqui semper convertebantur. Dicit, Ecclesiam satis consecrari, si Missa ibi fuerit celebrata, etiamsi Aqua Benedicta non fuerit aspersa. Dicit quoque Ordinem precum in Missa semper esse eundem, si modicam Additionem in Festis principalioribus excipias. Vult dicere, quod Canon Missæ nunquam mutetur, si excipiantur causæ peculiares, quæ post *Communicantes* inseruntur. In hac Epistola usus Aquæ Benedictæ absolute notatur. Cum

(\*) In his verbis oculatissimus P. Balduinus malam Fleurii Fidem videre se putat.

Cum Theodebertus Francorum Rex <sup>Sæculum VI.</sup>  
 flagrante inter Romanos & Gothos bel- A. C. 538.  
 lo copias misisset in Italiam, Vigilium  
 Papam a Moderico Legato suo consuli  
 iussit, qualem Pœnitentiam subire ille  
 deberet, qui uxorem fratris sui duxisset.  
 Papa præter Rescriptum ad Regem da-  
 tum etiam S. Cæsario Arelatensi in illius *Ep. 3. p. 314.*  
 Regis Ditione habitanti datis litteris  
 mandavit, ut in facti hujus circumstan-  
 tias, & Pœnitentis dispositionem inqui-  
 reret, deinde Regem edoceret, quantum  
 temporis ad illam Pœnitentiam requi-  
 reretur, & rogaret, ut hujusmodi scan-  
 dala in futurum præcaveret. Causa, quam  
 adducit Papa, cur istud negotium S. Cæ-  
 sario committat, notari meretur; *Mo-  
 dus Penitentiae, inquit, arbitrio Episco-  
 porum præsentium relinquendus est, ut  
 pro majore vel minore compunctione Pœ-  
 nitentis etiam Indulgentia concedi possit.*  
 Hæc Epistola 13. Martii anno 538. data est.

§. LIX.

*Concilium Aurelianense tertium.*

Eodem anno septima Maji, seu Nonis  
 Mensis tertii, post Paulini junioris  
 Consulatum quarto, Regis Childeberti  
 vigesimo septimo, Episcopi Regni ipsius  
 Aureliæ congregati Concilium celebra-  
 runt, quod tertium habetur. Condide-  
 runt triginta Canones. In primò decer- *v. Coimt. an.  
 nitur, Concilia singulis annis esse cele- 538. n. 9.  
 bran- Can. 3.*